

DUBIUM 12.

An saltem vesci valeat ovis et lacticiiniis ?

R. Ad 11. et 12. Permittitur ex speciali Sanctitatis Suae indulto, ut ii qui privilegio Bullae Cruciatæ legitime fruuntur, ovis et lacticiiniis tantum in ieiuniis pro hoc Inbilaco præscriptis uti possint, servata in ceteris ieiunii ecclesiastici forma.

Datum Romae e Sacra Congregatione Indulgentiarum et SS. Reliquiarum die 10. Iulii 1869.

A. CARD. BIZZARRI PRAEFECTUS

Pro R. P. D. Secretario

Dominicus Sarra Pro-Substitutus.

II.

Ex Decreto S. Rituum Cong. die 3 Iulii 1869.

Dubium VIII. An Collecta de Spiritu Sancto debeat omitti in diebus primæ et secundæ classis ?

Resp. Negative ; et in festis primæ classis dici debet sub unica conclusione ; in festis vero secundæ classis, cum propria conclusione.

III.

QUEBECEN.

Rmus Dnus Franciscus Baillargeon Archiepiscopus Quebecen. Sacrorum Rituum Congregationi sequens exhibuit Dubium, nimirum. " An in Parochia, in qua præter Parochum nullus est alius Sacerdos, si in diebus Sancti Marci et Rogationum et in Vigilia Pentecostes occurrat Sepultura quæ anticipari vel differri non possit, facienda sit Sepultura sine Missa Defunctorum ; vel potius mittenda functio dici ; an sa tem Missa hujus functionis ut Missa pro Sepultura celebrari possit ? "